

Manatuaina o lo tatou taua i le Atua

Filifili se tasi po o filifiliga uma e lua nei e fesoasoani ia te oe e malamalama atili ai ma talisapaia lou taua i le Atua.

Filifiliga 1:

Suesue e uiga i le Togiola a Iesu Keriso ma mafaufau loloto i Lona alofa mo oe. E mafai ona e faitauina nisi o fuaiupu nei: Isaia 53:3–5; Luka 22:41–44; Ioane 3:16–17; 1 Korinito 6:11, 19–20; Alema 7:7, 10–13. E mafai foi ona e maua ni fuaiupu eseese e suesue ai.

Maufaufau e tusifaamaumau mau fefaasinoai e te manao e manatua. E mafai ona e tusia i au tusitusiga paia i autafa o le Mataupu Faavae ma Feagaiga 18:10–11, tusi i lau api talaaga mo suesuega, pe faaoga lau polokalama o le Gospel Library e fai ai ni tags po o ni links.

Filifiliga 2:

Suesue i mea na aoao mai e taitai o le Ekalesia e uiga i lo tatou taua i le Atua. Faaoga le Potutusi o le Talalelei po o isi punaoa e su'e ai faamatalaga po o tala talafeagai. E mafai ona e saili mo faaupuga e pei o le “taua” po o le “alofa o le Atua” e fesoasoani ia te oe e maua ai punaoa. O le saunoaga leni a Sister Joy D. Jones, o le sa avea muamua ma Peresitene Aoao o le Peraimeri, o se tasi lea o faaitaiga o mea e te ono maua.



Se'i o'u faasino atu le manaomia ona tuueseese o upu taua nei e lua: *taua* ma le *agavaa*. E le tutusa upu ia e lua. O le *taua* faaleagaga o lona uiga o le faatauaina o i tatou lava i le auala o loo faatauaina ai i tatou e le Tama Faalelagi, ae le o le auala e faatau ai e le lalolagi i tatou. Sa fuafuaina lava lo tatou taua ae tatou te lei o mai i leni lalolagi. “E le mafuatia le alofa o le Atua ma o le a tumau pea e faavavau.”

I le isi itu, e ausia le *agavaa* e ala i le usiusitai. Afai tatou te agasala, e faaititia lo tatou agavaa, ae le faaititia ai lava lo tatou taua! E faaauau pea ona tatou salamo ma tauivi pea ina ia faapei o Iesu faatasi ma lo tatou taua. E pei ona aoao mai Peresitene Polika laga: “O le mea sili ona itiiti, le agaga sili ona mauualalo ua i ai nei i le fogaeleele . . . e tutusa le taua ma lalolagi.” E tusa lava po o le a, e i ai lava lo tatou taua i le silafaga a lo tatou Tama Faalelagi. (Joy D. Jones, “O le Tāua le Mafaitauina,” *Liahona*, Nov. 2017, 14)